



ԱՅԳՔԱՆ ՄԳԱՍՈՒԱԾ 2015-Ը

Որքան արագ վրայ հասաւ մեզ համար նշանակալից այս տարուան աւարտը: Միթե՞ այսքան սպասուած տարին պիտի աւարտուէր սովորական տարուան պէս մեր կիսաւարտ ծրագրերով:

Վստահ եմ, շատերդ էք ինձ պէս ափսոսանքով հրաժեշտ տալիս այդքան սպասուած տարուան: Չե՞ որ այս անցնող տարուան մէջ իւրաքանչիւր հայ իր փշրուած իղձերի վերականգնման յոյսն էր ամփոփել, 100 տարի իր խեղդուած պահանջների բարձրաձայնումն էր ուզում լսել, իր տեղքայլից դէպի մեծ ճանապարհի երթին էր ուզում ականատես լինել, իր չլուծուած հարցերի առնուազն օրինագիծն էր ուզում իրականացած տեսնել, լիարժէք ապրելու լոյսի շողն էր ուզում զգալ:

Անցաւ յիշարժան մի թուական, մի անխօս էջ էլ ծանրացաւ մեր արդէն ծանրաբեռ պատմութեան մէջ:

Անշուշտ իւրաքանչիւրս տարբեր սպասելիքներով ենք ընդունում մի նոր տարի եւ տարբեր գնահատումով ենք ճանապարհում արդէն ապրուածը, հինը: Բնականաբար այս անցնող տարին իմ գնահատանքով թղթին յանձնելով եմ ճանապարհում:

Տարեմուտի այս օրերին աշխարհում տի-

րող, գուցէ եւ մեր երկրին էլ սպառնացող անապահով վիճակը ինձ ստիպում է աւելի մեղմ վերլուծել մեր մէկ տարուան անցած ճանապարհը, միաժամանակ պարտադրում նաեւ անկեղծ լինել պատմութեան առջեւ:

Այսօր, երբ աշխարհում խախտուել են գնահատանքի չափանիշները, երբ մեծ տէրութիւնների խառնակիչ քաղաքական դիրքաւորման արդարացումները բացայայտ կեղծիքով են շնչաւորուած, մեր փոքրիկ պետութեան կեցուածքը սրածայր ասեղների վրայ է դրուում: Սակայն դա չի նշանակում, որ արտաքին աշխարհի հետ մեր յարաբերութիւնը վտանգելու պատրուակով, աչք փակենք մեր ներքին բացթողումներին: Դա իրաւունք չի տալիս մեզ կրկնելու նախաանկախացման՝ համայնավարութեան, տարիներին գործած սխալները, նոյն մտայնութեամբ ներկայացնելու իրավիճակները: Այսինքն իշխանութիւններին չզայրացնելու համար, միայն գովերգել երկիր ունենալու իրականութիւնը, կառավարութեանը գովաբանել, մեկուսացրնել կառավարութեան գործունէութիւնը քննադատողներին, կամ երկրի թշնամի նկատել նրանց: Այդպէս վարուելով համայնավարութեան ողջ տարիներին մենք ջլատուեցինք,

պառակտուեցինք, արդիւնքում թողնելով ազգային աղաւաղուած պատմութիւն:

Բայց չէ՞ որ երկիրը շնչող, վայրկեանով ապրող, ժամեր, օրեր, շաբաթներ, ամիսներ, տարիներ ու դարեր իր վրայ կուտակող ու ձգուող գոյութիւն է, իր ֆիզիքական եւ բարոյական գորութեամբ ապրող ու յարատեւող, որն ամբողջովին հիմնուած է այդ հողի վրայ ապրող ժողովրդի գիտակցութեան ու կամքի վրայ: Ուրեմն եւ ժողովրդի խօսքը լսելի ու ընկալելի պիտի լինի երկիրը ղեկավարողներին, որքան էլ այդ խօսքը լինի սուր եւ ոչ իր հողի վրայ ապրող հայից:

Ոչ մէկիս գաղտնիք չէ, որ մեր երկրի անկախութիւնը չհիմնուեց ժողովրդային եւ սոցիալական պահանջների, ժողովրդին որպէս երկրի անհրաժեշտ գոյութիւն ընդունելու եւ նրա պահանջները յարգելու սկզբունքների վրայ: Գաղտնիք չէ, որ անկախացման առաջին իսկ պահից մեր ժողովուրդը կորցրեց իր իրաւունքները եւ մինչեւ այսօր չի կարողանում վերագտնել այն: Աւելի ճիշդ թոյլ չեն տալիս նրան իր իրաւունքները վերագտնելու, քանզի իրերայաջորդ իշխող կառավարութիւններին դա ձեռնտու չէ:

Որքան էլ գնահատում ու փայփայում ենք մեր երկրի անկախացած գոյութիւնը, նոյնքան եւ իրաւունք ենք վերապահում նրա բարոյական արժեքների մասին խօսելու, վերլուծելու, քննադատելու, մեր կարծիքն ու իրաւունքները պաշտպանելու:

Այս նոր տարուան շեմին իւրաքանչիւր հայ իր անձնական իղձերում մի անկիւն էլ յատկացնում է հայրենի երկրի ֆիզիքական գոյութեան անձեռնմխելիութեան, նրա ապահովութեան, նրա խաղաղութեան եւ նրա բարգաւաճմանը, յատկապէս աշխարհի այսօրւան այս խառնակ վիճակում: Սա արդէն այնքան բնական է դարձել յատկապէս համասփիւռ հայութեան համար, որ նոյնիսկ Ամանորի միմեանց յղուող շնորհաւորանքում է տեղ գտնում այն: Այսպէս ենք ապրել ու շարունակելու ենք ապրել դողալով, գուրգուրալով մեր ունեցած այս փոքրիկ հողակտորի անկախութիւնն ու նրա գոյութիւնը:

Այո, մեզ անհրաժեշտ է մեր հայրենի երկրի ոչ միայն ֆիզիքական ներկայութիւնը, այլ նաեւ նրա ազդու եւ արագ բարգաւաճումը:

Օրէ օր վեր բարձրացող շէնքերի ու հաստատութիւնների կառոյցով, փողոցների բարելավմամբ, կարգ ու կանոնով, օրէնքներով, այն ամէն արտաքին բարեմասնութիւններով որով երկրներն ու քաղաքներն են աչքի ընկնում, զարգանում: Այս ամէնի հետ անհրաժեշտ է այնտեղ ապրող մեր հայրենակիցների բարեկեցիկ ու ապահով վիճակը, սերը, յարգանքն ու պատասխանատուութիւնը իր հողի, իր երկրի հանդէպ:

Այս անցնող տարում մեր երկիրը ֆիզիքական իր գոյութեամբ յառաջընթաց արձանագրեց, աշխարհում ճանաչուելով, որպէս ինքնուրոյն երկիր: Տարբեր երկրների ազդեցիկ ղեկավարներ, դիւանագետներ, անուանի եւ ոչ անուանի հիւրեր ընդունելով, պատշաճ ընդունելութիւն կազմակերպելու իր կարողութեամբ: Ճանաչուեց, հիացումի արժանացաւ իր մայրաքաղաքով, իւրօրինակ բնութեան բարեմասնութիւններով, ժողովրդի սրտաբուխ հիւրընկալութեամբ ու խաղաղասիրութեամբ:

Կազմակերպչական եւ մատուցման տեսանկիւնից մեծ գնահատանքի է արժանի անցնող 100-ամեակի Ապրիլեան ձեռնարկների իրագործումը մեր երկրում եւ հայութեան միահամուռ կազմակերպուածութեան հաստատումը համայն սփիւռքում:

Անցնող տարուան յիշարժան նուաճումն է սա, որը մեր պատմութեան մասն է կազմելու:

Բայց չէ՞ որ այդ նոյն պատմութեան պահանջով ոտքի ելանք 100-ամեայ մեր ոտնակոխուած իրաւունքները բարձրաձայնելու, մեր դատը վերանորոգելու, մեր կիսաւարտ պահանջները ներկայացնելու: 100-ամեակի բարոյական այս խնդիրը մնաց նոյնքան անորոշ, որքան սկսուեց հարիւր տարի առաջ:

Անցնող տարուան մեր մեծագոյն եւ աններելի բացթողումն է սա, որը չենք կարող աչքաթող անել եւ տարեվերջի մեր գնահատանքում իբրեւ նուաճում արձանագրել: Եթէ նուաճում է համարում մի շարք երկրների կողմից մեր Յեղասպանութեան փաստի 100 տարի յետոյ ընդունումը եւ միայն ցաւում եմ այդ երկրների դիւանագետների անգիտութեան համար: 100 տարի անտարբեր կեցածքից յետոյ, նրանց «յանկարծակի արթնացման» եւ թուրքերի գործած ոճիրը վերջա-

պես, որպես Յեղասպանութիւն համարելու համար:

Մեր հարիւր տարիների տառապանքն ու կորուստը էլ անելի լուրջ աջակցութեան էր արժանի: Կատարուած իրողութեան ընդունումից անելի, 100 տարի յետոյ, արդէն դատապարտման վճռին էր արժանի: Չէ՞ որ նոյնիսկ ամենապարզ ոճիւրը դատապարտման իր չափանիշներն ունի: Եւ մենք, որպէս անպարագրելի ոճիւրի ենթարկուած ազգ 100 տարի յետոյ էլ փոխանակ ըզվզելու, երախտագիտութեամբ ենք ընդունում այլ պետութիւնների, մինչեւ իսկ այդ նոյն Յեղասպանութեանը մասնակից եղած պետութեան կողմից սուկ մեր Յեղասպանութեան ընդունումը:

Ճանաչումից մինչեւ հատուցում նշանաբանով սկսուած 100-րդ տարելիցը ինչպէ՞ս կարելի էր միայն ճանաչումով սահմանափակել, ինչպէ՞ս կարելի էր մեր ապագայի ամենակարեւոր խնդիրը՝ **հատուցումը**, որը նշանաբանում էր տեղադրուել, այդքան կոպտօրէն, բացայայտօրէն անտեսել: Ինչպէ՞ս կարելի էր ազգային մեր ամբողջ ուժը կեդրոնացնել լիիմաստ նախադասութեան առաջին բառի՝ **ճանաչման**, վրայ միայն եւ ամբողջովին անտեսել նախադասութեան միտքը ամփոփող վերջին բառը՝ **հատուցումը**: Չէ՞ որ այս տարին, իւրաքանչիւր հայի համար, հիմնուած էր այդ երկրորդ բառը կեանքի կոչելու՝ **հատուցման երթը սկսելու համար**:

Ինչպէ՞ս կարող էինք դէպի ետ երթալ եւ կանգ առնել միայն ճանաչման վրայ: Միթէ՞ մեր գերագոյն նպատակը ճանաչման արժանացնելն էր: Կարծում եմ, մենք այդ շրջանը շատ վաղուց էինք անցել: Մեր Յեղասպանութիւնը նոր միայն ընդունող պետութիւնները հարկ էր իրենք մտածելին թէ ինչո՞ւ էին ուշացել:

Ինչպէս անհատի, այդպէս էլ ժողովուրդների կեանքում առիթը, հնարաւորութիւնը յաճախակի չի տրուում եւ երբ տրուում է՝ չօգտուելու դէպքում այն ոչ միայն չքանում է, այլ ժողովրդի ապագային է վնասում:

Այս անցնող տարում, մենք չօգտագործե-



ցինք աշխարհի թէկուզ ուշացումով մեզ ուղղուած ուշադրութիւնը մեր պահանջները 100-րդ տարելիցի հիմնական խնդիրը դարձնելու: Եւ մեր անկարողութիւնը կոծկելու միակ միջոցը եղաւ գոհունակութիւնն ու երախտագիտութիւնը աշխարհի այն երկրներին, որոնք բարի գտնուեցին ընդունելու մեր Յեղասպանութիւնը, թէկուզ մակերեսայնօրէն եւ մինչեւ օրս շարունակելով գովերգել կատարուած միջոցառումները:

Վստահ եմ, շատերի համար այս իրադարձութիւնը անցնող տարուան մեր մեծագոյն նուաճումն է համարուելու եւ դրանով մենք նորից խոր թմբիրի ենք մատնուելու, քանի որ իրական մեղաւորին՝ մեր կառավարութեան, այս բացթողման համար երբեք չդատապարտեցինք:

Մենք երբեք մեր կառավարութեան չենք մեղադրում մեր ազգային իրաւունքների ոտնակոխման, անտարբեր կեցուածքի համար, սակայն անվերջ քննադատում ենք ժողովրդի սոցիալական խեղճ վիճակի, երկրի անօրինութեան, կողոպուտի, երկրում տիրող անգործութեան եւ երբեմն էլ թեթեւակիօրէն արտագաղթի համար: Բայց չէ՞ որ այս ամէնը բխում են ազգայինից, ազգայինի ի սպառ բացակայութիւնից:

Ես վերջերս լսում էի մեր նախագահի ելոյթները մեր ազգային տարբեր տօնակատարութիւններին ու երեկոներին նուիրուած: Ոչ մէկ սրտաբուխ, իր հոգու խորքից դուրս ժայթքող, լսողի շունչը կտրող ու սիրտը ուռ-

ճեցնող, ժողովրդին տեղաշարժող, անձնական շունչով ողողուած ոչ մէկ բառ, նախադասութիւն, ներքին հպարտանք, սեր, ժողովրդին ու հողին կապուածութեան ոչ մէկ սրտայոյզ շունչ իր խօսքը փոխանցելիս, իր արտայայտութեան



մէջ: Բայց դա ներքին, արեան ձայնից յորդող զգացում պիտի լինի, որ անկախ մարդկային տեսակից ու պաշտօնից ժայթքում է բառերի հետ: Դա չեն սովորում, դա մարդու ներքինում կուտակուած սեր է իր ազգային երեւոյթների հանդէպ, որ ինքնաբոլիս յորդում է պէտք եղած պահին, այնպէս, ինչպէս ուրախութեան ճիչն ու բարկութեան պոռթկումը, երկրի ղեկավարներից սկսած, մինչեւ շարքային քաղաքացին: Այսինքն ազգային ջիղ ունեցող իւրաքանչիւր անձ անկարող է չարտաբերել, իր վերաբերմունքը չփոխանցել իր ձայնով: Չէ՞ որ նախագահների պարտականութիւնն է պատշաճ իրադարձութիւններում տեղաշարժել ժողովրդի ներքին զսպանակները, նրան իր հողին, իր պատմութեանը կապելու, իր ճակատագրին եւ երկրին տեր կանգնեցնելու համար:

Եւ մենք դեռ այս կառավարութիւնից ենք սպասում ազգային կարեւորագոյն հարցերի լուծում, համասփիւռ հայութեան իր հովանու տակ վերցնելու պատրաստակամութիւն:

Ես վերջերս եղայ Պէյրութում եւ Յայաստանում: Ցաւով պիտի նշեմ, որ սփիւռքին պահող եւ նրան առաջ մղող, նրա ողնահարը հանդիսացող Պէյրութը օրէ օր կորցնում է իր ուժը, քաղաքական եւ տնտեսական մեծ ճգնաժամի պատճառով: Ամբողջ երկիրը առօրեայ դժուարութիւններից՝ ջրի, էլեկտրականութեան, աշխատանքի պակասի հետ միասին նաեւ ամենժամեայ անապահովութեան մէջ է: Այս եւ Միջին Արեւելքի մեր միւս գաղութները, որոնք միշտ սովոր են միայնակ յաղթահարել իրենց առջեւ ծառայած բոլոր դժուարութիւնները՝ պատերազմներից սկսած, մինչեւ դպրոց ու հաստատութիւններ պահե-

լու, մշակոյթի հետեւորդներ կրթելու, հայախօս ու նուիրուած հայրենասէրներ դաստիարակելու, այսօր կանգնած են ամեն վայրկեան պայթումի սպասուող պատերազմի առջեւ: Մեր ժողովուրդը փողոցներում կուտակուած աղ-

բակոյտերի մէջ իսկ առանց բողոքի ու տրտունջի, մեծ դժուարութեամբ փորձում է կանգուն պահել իր դպրոցները, երեխաների, պատանիների եւ երիտասարդների բոլոր իրերայաջորդ, երբեք չյետաձգուող միջոցառումները: Փորձում են շարունակել, պահել ու զարգացնել իրենց հայկական առօրեան: Ոչ մէկ տրտունջ, ոչ մէկ պահանջ ռեւէ մէկից՝ ոչ տեղի, ոչ էլ հայրենի կառավարութիւնից: Չէ՞ որ նրանք էլ դժուարութեան մէջ գտնուող մեր ժողովուրդն են, մեր կարեւորագոյն համայնքը, մեր երկրին ազգային արժէքներ ու ոգի մատակարարող ուժը:

Նրանց կողքին լուռ տնքում, դեռ զոհեր է տալիս հալէպահայութիւնը: Ժամ առ ժամ փլատակի վերածուող, ռումբերի պայթումներով, ջրի, էլեկտրականութեան չզոյութեան, ուտելիք հայթայթելու դժուարութիւնների մէջ անգամ դեռ մնում են իրենց տներում, դեռ երեխաների համար դպրոց են ապահովում, մեր երիտասարդները գիշերը ցերեկ արած իրենց համայնքն են հսկում, պաշտպանում: Այս ամենը առանց բողոքի, լուռ ու կազմակերպուած, իրենց գլխին հայրենի պետութիւն չունենալով, միայն համայնքային ուժերի համախմբմամբ:

Նրանց հակառակ, Յայաստան ուղք դրած պահից, միայն բողոք ես լսում՝ կառավարութեան կողոպուտի մասին, իրենց դժուար պարտաւորութիւնները եւ միշտ բողոքի շարքը աւարտուում է միեւնոյն վերջաբանով՝ **բա սա երկիր է: Բա կարելի՞ է ես երկրում ապրել:** Այս նախադասութիւնը լսում ես իւրաքանչիւր անգամ թաքսի նստելիս, ռեւէ հայրենաբնակի հետ խօսելիս:

Այդ օրերին մասնակցում էի Յայաստանի

Ազգային Ակադեմիայի կազմակերպած «Չայոց ցեղասպանության - 100. Ճանաչումից՝ Չատուցում» միջազգային գիտաժողովին:

Գաղտնիք չէ, որ գիտութեան մեր աշխատողները նոյնպես չնչին վարձատրություն են ստանում, աշխատում ոչ բարեկեցիկ միջավայրում: Դուք պիտի տեսնեք պատմագիտութեան բաժնի սենեակների, վերելակների, լուսամաս սենեակների ոչ միայն հին ու փտած, այլ անգործածելի վիճակը: Բայց ոչ մեկից բողոք չես լսում, այդ պայմաններում գլխիկոր աշխատում, դեռ հանրայայտ հիւրեր էլ են ընդունում: Չիացումի արժանի նրանց նուիրումը իրենց ծանր գործին, մասնագիտութեանը, յարգանք է պարտաւորեցնում: Բայց չէ՞ որ նրանք էլ ապրում են այդ նոյն «Բա սա երկիր է», երկրում:

Այստեղ հակիրճ ուզում եմ յիշեցնել նաեւ այդ գիտաժողովի մասին, քանզի անցնող տարուան լաւագոյն նուաճումներից է դա մեր գիտութեան այդ արժեքաւոր հաստատութեան կենսագրութիւնում եւ յատկապէս՝ այդտեղ ներկայացուած հարցերը անհրաժեշտ են մեր հետագայ պահանջատիրութեան համար:

Գիտաժողովը բացառիկ էր այն առումով, որ Չայաստանի եւ աշխարհի տարբեր երկրների գիտութեան ներկայացուցիչները նոր յայտնաբերուած փաստերով հրատապ մակարդակի բարձրացրին մեր պահանջատիրութիւնը:

Տաւօք, ժողովուրդը անհաղորդ մնաց այս ամէնին եւ հասկանալի է, որ նրա ցուցաբերած անտարբերութիւնը մեր պահանջատիրութեան հանդէպ, իր ոչ լիիրաւ իմացութիւնից է գալիս:

Մեր գիտութեան աշխատողների, մտաւորականութեան դերը այս հարցում եւ ընդհանրապէս ժողովրդին իր երկրին կապելու, կրթելու, անկախութեան իմաստին ու դրանից բխող պահանջներին ծանօթացնելու գործում հրատապ է:

Նոյնքան հրատապ է այդ նոյն գիտաժողովի՝



վի՛ պահանջատիրութեանը հետամուտ լինելու եզրակացութիւնը, մեր կառավարութեան յանձնելը:

Գիտաժողովի խորագիրը «Ճանաչումից Չատուցում» իր պայթուցիկ ազդեցութիւնը չունեցաւ: Այստեղ էլ մէկ այլ բացթողում ունեցանք: Գիտաժողովի այս կարեւոր խնդրի եզրակացութիւն - ամփոփումը չլղեցինք աշխարհի տարբեր գիտութեան Ակադեմիաներին եւ յատկապէս Թուրքիոյ, որը մինչեւ օրս դեռ ծղրտում է, որ պատմաբաններին պետք է յանձնել Տեղասպանութեան ճշդումը, անտեղեակ, որ պատմաբանների հաւաքագրած փաստերն այլեւս իրենց օգտին չեն: Դրանցից իւրաքանչիւրը պայթուցիկ ռումբեր են, եթէ անշուշտ մենք համարձակութիւն ունենանք դրանք օգտագործելու: Մեր ակադեմիոյ դերը եւ նրա ուժը այս հարցում յոյժ անհրաժեշտ է: Պարտաւոր ենք ջանք չխնայելու, որ այն իրապէս դառնայ մեր ազգային հարցադրումներում իր խօսքը ունեցող հաստատութիւն:

Մեր նման կիսաւարտ խնդիրների լաբիրինթոսում թաւալուող ժողովրդի համար բոլոր հաստատութիւններով որպէս միասնական շղթայ գործելը անհրաժեշտութիւն է:

Տարեմուտի արժեւորման հիմնական խնդիրներից է ինչպէս նշեցի, մեր ժողովրդի այսօրուան սոցիալական եւ բարոյական կեցութեան վիճակը, նրա մասնակցութիւնը իր անկախ երկրի պահպանմանը, նրա հոգեկան աշխուժ ներդրումն ու կապը իր հողի ու նրա

ապագայի հետ: Սա մի միասնություն է, որը իրենք իրենց հաստատած, զարգացած երկրներում, սովորաբար կառավարությունն է դեկավարում: Նախկինում էլ բազմիցս նշել եմ, որ մեր երկրում ի սպառ բացակայում է կառավարություն-ժողովուրդ կապը, սրանցից իւրաքանչիւրը իր համար է գործում, կարծես գոյություն չունեն իրար համար եւ գնալով մեծ խրամատ է առաջացել այս յարաբերությունում այնքան, որ ժողովրդի հոգն անգամ չէ, կառավարություն ունի թէ ոչ, իր աչքում բոլորը վարկաբեկուած աւագակներ են: Իր համար կարելու է սահմանադրությունը կը փոխուի թէ ոչ, պահանջատիրութեան հարց ունի թէ ոչ, նոյնիսկ մոռացութեան է մատնել իրեն սովի ու սառնամանիքի մէջ պահած, իր մարդկային, քաղաքացիական արժանապատուութիւնը տրորած առաջին նախագահին եւ դեռ մասնակցում է նրա հաւաքոյթներին, դեռ թոյլ է տալիս, որ իր խառնակութիւնը շարունակի, իր ձեռքով քանդած երկրում: Այս բոլորը խօսում է այն մասին, որ տարուած իր առօրեայով, իր ամէնօրեայ հացի խնդրով, աչքաթող է արել նոյնիսկ ամենակարեւորը՝ իր արժանապատուութիւնը, երկրի տեր լինելու իր իրաւունքները, երկիր ունենալու, նրա վրայ ապրելու, իր մայրենի լեզուով խօսելու պատեհութիւն ունենալու առաւելութիւնը: Ահա թէ ինչու միջոցներ է փնտռում երկրից փախչելու եւ փախչելուց յետոյ էլ, իր արարքը արդարացնելու համար, սրտացաւ հայրենասէր է դառնում օտար երկրում, էլ աւելի մեծ լուտանք է թափում կառավարութեան եւ բոլոր հարուստների գլխին, ցաւակցում երկրում մնացողներին:

Մեծ յաջողութեամբ աւարտուեց Զայաստան Զիմնադրամի հեռուստամարաթոնը: Աշխարհի հայութիւնը իր կարողութեան սահմաններում իր օգնութիւնը ներդրեց հայրենի Արցախի ժողովրդի

կեանքի բարելամանը: Յատկապէս յուզիչ էր, սփիւռքի անխտիր բոլոր հայկական դպրոցների մանկապարտեզից սկսած աշակերտների աշխուժ ներդրումը: Օտարութեան մէջ հասակ առնող մեր մատաղ սերունդին սփիւռքը շանք չի խնայում դաստիարակելու հեռաւոր հայրենիքի, հայրենի ժողովրդին ու նրա կարիքներին կապելու, նրան նուիրուելուն: Սրան հակառակ, Զայաստանի դպրոցներից չմասնակցեցին իրենցից մի քանի հարիւր մղոն հեռու ապրող իրենց հասակակիցներին նոյնիսկ չնչին օգնութիւն հասցնելու գործին: Բայց չէ՞ որ հայրենասիրութիւնը եւ ժողովրդին նուիրուելու զգացումը մշակել, կրթելը մանուկ հասակից է սկսւում: Ինչո՞ւ այսքան տարբեր պիտի մեծանան մեր ժողովրդի երկու հատուածները, չէ՞ որ բոլորիս նպատակը մէկն է՝ մեր հայրենին եւ մեր կիսաւարտ ծրագրերը:

Այս օրերին, տարին աւարտում ենք նոր գոհերով: Մի կողմից Արցախի մեր հողը պաշտպանելու համար, միւս կողմից Սուրիոյ մէջ օտար երկրի գոհը դառնալով: Երկու դեպքում էլ գոհեր ենք տալիս, մեր ժողովրդի արժանի զաւակներին ենք կորցնում: Մի կողմից աշխարհի հայութիւնը միահամուռ թիկունք է կանգնում Արցախի բարգաւաճմանը, միւս կողմից նոր երիտասարդ զինուորների կորուստի լուրն ենք ստանում նոյն Արցախի պաշտպանութեան համար գոհուած:

Յաւօք, մենք ուրիշ ազգերի պէս չենք, թեթեւ չենք կարող ընդունել մեր գոհերը: Մեր տուած իւրաքանչիւր գոհ, այն էլ թուրքի գնդակից, միշտ բազմապատկուած է միլիոն ու կեսով եւ կորուստը այլեւս դառնում է անընդունելի, վիշտը նորոգում ու նոր ցատումով է լեցնում մեր հոգին:

Ուստի չենք կարող չյիշել եւ չխոնարհուել այն երիտասարդների յիշատակի առջեւ, որոնք իրենց երիտա-





սարդ, երազանքներով լի, իրենց կիսաւարտ կեանքը գոհեցին հայրենի երկրի պաշտպանութեան համար, որոնք լացող մայրեր ու հարազատներ թողեցին անդարմանելի կսկիծի մէջ:

Այս նոր տարուան շեմին մենք վշտակցում ենք, մեր գոհերի ընտանիքներին, սրտի կսկիծով յիշում ու խոնարհուում ենք իրենց կեանքը հայրենի հողի պաշտպանութեանը նուիրաբերած այն երիտասարդների առջեւ, ովքեր հայրենի Արցախի հողը էլ ավելի կարելու դարձրին իրենց նոր թափած արիւնով:

Այս ամէնի հետ մէկտեղ տարեվերջի այս օրերին կրկին յայտնուել ենք ռուս-թրքական սրուած յարաբերութիւնների, իրենց շահերի համար տարուող պայքարի կեդրոնում: Սովորաբար բնութեան մէջ՝ 25, 50, 100 տարի մէկ են յայտնուում տեղային աղետները: Եւ քանի որ մենք հին ժողովուրդ ենք, հաւանաբար բնութիւնից այն փոխանցուել է մեր ճակատագրին: Այսօր՝ 100 տարի անց, կրկին երկու հզօրների, մեզ հետ կապ չունեցող ընդհարման հարուածի տակ ենք ընկած: Կը կարողանա՞նք արդեօք նուազագոյնը այս անգամ չտարուել խաբկանքներով, չհաւատալով ոչ մէկի խոստումին, մեր բազմադարեան կորուստներից սովորելով, ճկուն քաղաքա-

կանութիւն վարել եւ գերծ մնալ վտանգից, ամենակարելորդ օգտագործել այս վիճակը ի օգուտ մեր շահերի:

Այսպիսի անհանգստութիւններով ենք ճանապարհում մի գեղեցիկ թուական՝ 2015, իր մէջ կուտակած բազում չիրագործուած նպատակների ու երազանքների ծրագրերով ծանրաբեռ, մեր բացթողումներից սովորելու մի նոր դասագիրք դառնալով մեզ համար, նոր ձգտումներով ու մեր նպատակներին հասնելու նոր շրջահայեացութեամբ զինելով մեզ: Մաղթենք, որ գալիք 2016 թուականը խաղաղ տարի լինի աշխարհի եւ մեզ համար եւ նախորդ չիրագործած ծրագրերը իրագործենք:

ԴՊԿՏ. ՄԱՐԻ ՌՈԶ ԱՊՈՒՍԵՖԵԱՆ

1 դեկտ. 2015թ